

## **BREUDDWYD**

Mi ddihunais noswaith o'r blaen  
Yn crynu yn fy ngwal  
Ofn gweld beth oedd 'ond hen  
Ysgrifen ar y wal  
Tynnais y dillad  
Yn din dros fy mhen  
Breuddwyd fel aderyn wrth ffenest fach y byd.

Mae strydoedd gwlad fach werdd  
Yn rhedeg nawr yn goch  
Ni weli'r deigryn fyth  
Fel perl ar foch y moch  
Cyfadde wnaeth y tyst  
Mae geiriau laddodd Duw  
Breuddwyd fel aderyn wrth ffenest fach y byd.

Fe welwyd rhyddid  
Yn rhedeg at y ffin  
Clywais ei lais yn gwaeddi  
Ef oedd yr un  
A fu yn dawnsio  
Ar fedd yr oes a fu  
Breuddwyd fel aderyn wrth ffenest fach y byd.